

**POSLOVNIK  
O RADU VIJEĆA DOKTORSKOG  
STUDIJA  
UNIVERZITETA U SARAJEVU -  
GRAĐEVINSKI FAKULTET**

**POSLOVNIK  
O RADU VIJEĆA DOKTORSKOG  
STUDIJA  
UNIVERZITETA U SARAJEVU -  
GRAĐEVINSKI FAKULTET**

Sarajevo, novembar 2022. godine

## **SADRŽAJ:**

- I - OPĆE ODREDBE
- II - ORGANIZACIJA I SASTAV VIJEĆA
- III - NADLEŽNOSTI VIJEĆA
- IV - SJEDNICE VIJEĆA
- V - PRIPREMANJE I SAZIVANJE SJEDNICA VIJEĆA
- VI - RAD VIJEĆA
- VII - PRELAZNE I ZAVRŠNE ODREDBE

Na osnovu odredbi Zakona o visokom obrazovanju („Službene novine Kantona Sarajevo“, broj: 36/22), Statuta Univerziteta u Sarajevu i člana 8. stav (11) Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine, Vijeće doktorskog studija Univerziteta u Sarajevu – Građevinski fakultet na LV redovnoj sjednici održanoj 01.11.2022 godine donijelo je

## **POSLOVNIK O RADU VIJEĆE DOKTORSKOG STUDIJA UNIVERZITETA U SARAJEVU - GRAĐEVINSKI FAKULTET**

### **I OPĆE ODREDBE**

#### **Član 1.**

Ovim Poslovnikom o radu Vijeća doktorskog studija Univerziteta u Sarajevu – Građevinski fakultet (u daljem tekstu: Poslovnik) uređuje se sastav i način rada, prava i dužnosti članova Vijeća doktorskog studija Univerziteta u Sarajevu – Građevinski fakultet, kao i druga pitanja bitna za rad Vijeća doktorskog studija, a naročito:

- Konstituisanje i sastav Vijeća,
- Nadležnosti Vijeća,
- Prava i dužnosti predsjedavajućeg Vijeća u pripremi sjednica i radu na sjednicama,
- Prava i dužnosti članova Vijeća u pripremi sjednica i radu na sjednicama,
- Pripremanje i sazivanje sjednice,
- Vođenje sjednica,
- Tok sjednica i održavanje reda na sjednicama,
- Način donošenja odluka,
- Vođenje i usvajanje zapisnika,
- Druga pitanja od značaja za rad Vijeća.

#### **Član 2.**

Odredbe ovog Poslovnika se primjenjuju na sve članove Vijeća doktorskog studija kao i na osobe koje prisustvuju sjednicama Vijeća doktorskog studija.

### **II ORGANIZACIJA I SASTAV VIJEĆA**

#### **Član 3.**

- (1) Članove Vijeća doktorskog studija bira Vijeće Fakulteta na prijedlog dekana Fakulteta na izborni period od četiri (4) godine.
- (2) Vijeća doktorskog studija čine voditelj studija i nositelji obaveznih i izbornih predmeta programa studija, sekretar Fakulteta i sekretar Vijeća, s tim što sekretar Fakulteta i sekretar Vijeća nemaju pravo glasa.
- (3) Nositelji nastavnog i istraživačkog procesa na trećem ciklusu moraju imati najmanje pet radova publiciranih u časopisima koje prate relevantne međunarodne baze iz registra relevantnih naučnih baza podataka koji propisuje nadležno tijelo.
- (4) Vijeće doktorskog studija bira predsjednika Vijeća iz reda nastavnika u zvanju vanrednog ili redovnog profesora na period od četiri (4) godine, koji je ujedno i rukovodilac Vijeća doktorskog studija.

### III NADLEŽNOSTI VIJEĆA

#### Član 4.

- (1) Vijeće doktorskog studija (treći ciklusa studija) je stručno tijelo Vijeća Fakulteta kao nositelja doktorskog studija.
- (2) Vijeće doktorskog studija je stručno tijelo nositelja studija, koje rukovodi trećim ciklusom studija, u skladu sa Zakonom o visokom obrazovanju, Statutom Univerziteta u Sarajevu i Pravilima studiranja za treći ciklus studija na Univerzitetu u Sarajevu i odgovorno je za njegovo nesmetano funkcioniranje.
- (3) Vijeće doktorskog studija vodi računa o zastupljenosti pojedinih modula tako da osigura određeni odnos između obaveznih i izbornih modula.
- (4) Vijeće doktorskog studija imenuje komisija za upis studenata trećeg ciklusa studija, iz reda nastavnika studija koji se organizira, koja utvrđuje Prijedlog rang-liste, te dostavlja se Vijeću Fakulteta na konačno usvajanje.
- (5) Vijeće doktorskog studija potvrđuje temu doktorske disertacije.
- (6) Vijeće doktorskog studija rješava sva pitanja koja se odnose na organizaciju i tok studiranja, te predlaže odluke koje donose stručno tijelo Univerziteta i Vijeće Fakulteta, a u vezi su sa studijem (komisije, donošenje odluka o prolongiranju rokova, izmjeni mentora i sl.).
- (7) Vijeće doktorskog studija je nadležno za obavljanje i drugih poslove neophodnih za realizaciju trećeg ciklusa studija, a uskladu sa Statutom Univerziteta u Sarajevu i Pravilima studiranja za treći ciklus studija na Univerzitetu u Sarajevu.

### IV SJEDNICE VIJEĆA

#### Član 5.

- (1) Sjednice Vijeća doktorskog studija mogu biti redovne, vanredne ili tematske.
- (2) Sjednice Vijeća studija saziva i njima rukovodi predsjednik, a u slučaju njegove odsutnosti član Vijeća studija koga ovlasti predsjednik.
- (3) Sjednice Vijeća studija se sazivaju u pismenom ili u elektronskom obliku (putem e-maila).
- (4) Vrijeme održavanja sjednice Vijeća i dnevni red predlaže predsjednik, odnosno u slučaju odsutnosti ovlašteni član Vijeća studija.
- (5) U opravdanim slučajevima, predsjednik Vijeća studija može sazvati održavanje sjednice Vijeća studija elektronskim putem. Odluka se smatra usvojenom ako se o njoj pozitivno izjasni većina od ukupnog broja članova Vijeća studija, što se dokazuje elektronskim ispisom pojedinačnog izjašnjenja članova Vijeća studija.

### V PRIPREMANJE I SAZIVANJE SJEDNICA VIJEĆA

#### Član 6.

- (1) Sjednice Vijeća studija saziva predsjednik Vijeća studija po vlastitoj inicijativi ili na prijedlog članova Vijeća studija ili njegovih radnih tijela.
- (2) Dnevni red, na osnovu prispjelih materijala, podnesaka i prijedloga, određuje predsjednik Vijeća studija.

#### Član 7.

- (1) Poziv i materijal za sjednicu Vijeća studija se dostavlja u pisanom ili u elektronskom obliku - putem e-maila, najkasnije tri dana prije održavanja sjednice za redovne i tematske sjednice ili 24 sata prije sjednice Vijeća studija za vanredne sjednice Vijeća studija.
- (2) Materijal za sjednicu Vijeća studija se u izuzetnim slučajevima može uz saglasnost predsjednika Vijeća studija dostaviti naknadno ili predan na samoj sjednici Vijeća studija, o čemu će članovi Vijeća studija biti prethodno obavješteni.
- (3) Poziv za sjednicu Vijeća studija obavezno sadrži:

- a) oznaku rednog broja sjednice;
  - b) mjesto i datum održavanja sjednice i vrijeme početka sjednice;
  - c) dnevni red sjednice Vijeća;
  - d) potpis lica koje saziva sjednicu Vijeća
- (4) Uz poziv za sjednicu se dostavlja i Zapisnik sa prethodne sjednice Vijeća studija.

#### Član 8.

- (1) Svi članovi Vijeća studija dužni su prisustvovati sjednici Vijeća studija.
- (2) U slučaju opravdane spriječenosti, član Vijeća studija je dužan o tome obavijestiti predsjednik Vijeća studija.

### VI RAD VIJEĆA

#### Član 9.

- (1) Sjednicom Vijeća studija predsjedava predsjednik Vijeća studija, a u slučaju njegove spriječenosti ili opravdane odsutnosti član Vijeća studija koga ovlasti predsjednik Vijeća studija.
- (2) Za održavanje sjednice Vijeća studija neophodan je kvorum koji čini natpolovična većina svih članova Vijeća studija, što se konstatuje uvidom u listu članova Vijeća studija, te prisutnih članova.
- (3) U slučaju da nema kvoruma za održavanje sjednice Vijeća studija, predsjednik Vijeća studija odlaže sednicu Vijeća studija. Sjednica Vijeća studija čije je održavanje odloženo, zakazuje se ponovo za sedam dana, samo dostavljanjem poziva za sjednicu.

#### Član 10.

- (1) Ako sjednici prisustvuje dovoljan broj članova za održavanje sjednice Vijeća studija, predsjednik Vijeća studija konstatuje da se sjednica može održati, te predlaže dnevni red.
- (2) Svaki član Vijeća studija ima pravo da predlaže izmjene i dopune dnevnog reda sjednice Vijeća studija, uz odgovarajuće obrazloženje.
- (3) Dnevni red sjednice Vijeća studija se usvaja većinom glasova prisutnih članova Vijeća studija.

#### Član 11.

- (1) Nakon usvajanja dnevnog reda, članovi Vijeća studija se izjašnjavaju o zapisniku sa prethodne sjednice Vijeća studija.
- (2) Usvajanje zapisnika sa prethodne sjednice Vijeća studija je prva tačka dnevnog reda svake sjednice Vijeća studija.
- (3) U slučaju primjedbi, one se konstatuju u zapisnik i članovi Vijeća studija se izjašnjavaju glasanjem.
- (4) Zapisnik se smatra usvojenim ukoliko je glasala natpolovična većina prisutnih članova Vijeća studija.

#### Član 12.

- (1) Nakon usvajanja zapisnika, sjednica se odvija prema tačkama usvojenog dnevnog reda.
- (2) Predsjednik Vijeća studija zadržava pravo oduzeti riječ učesniku u diskusiji, u slučaju da se u toku rasprave prisutni ne pridržavaju dnevnog reda ili u raspravi ne slijede sadržaj teme.

#### Član 13.

- (1) Predsjednik Vijeća studija oblikuje prijedlog za odlučivanje o kojem se glasa.
- (2) U slučaju postojanja više prijedloga o istoj stvari, glasanje se vrši po redoslijedu kako su predloženi.

#### Član 14.

- (1) Glasanje je javno i izražava se dizanjem ruke na pitanje „za“ ili „protiv“.
- (2) Predsjednik po završenom glasanju objavljuje rezultate glasanja konstatujući broj glasova „za“ i broj glasova „protiv“, te objavljuje da li je odluka usvojena ili ne.
- (3) Odluka se smatra usvojenom ako se za nju izjasni većina prisutnih članova Vijeća studija.

### Član 15.

(1) Tokom sjednice se vodi zapisnik za koji je zadužen sekretar Vijeća studija.

(2) Zapisnik sadrži:

- redni broj sjednice Vijeća studija,
- mjesto, datum i vrijeme održavanja sjednice Vijeća studija,
- imena prisutnih i odsutnih članova Vijeća studija,
- prijedloge i formulacije odluka, smjernica, zaključaka Vijeća studija donijetih o pojedinoj tački dnevnog reda,
- vrijeme zaključenja sjednice Vijeća studija.

(3) Zapisnik sa sjednice Vijeća potpisuju Predsjednik Vijeća studija i sekretar Vijeća studija.

### Član 16.

Usvojene odluke, smjernice, zaključci i sl. koje donese Vijeće studija dostavljaju se osobama koje su dužne da ih sprovedu, u roku od sedam (7) dana od dana održavanja sjednice Vijeća studija.


## VII PRELAZNE I ZAVRŠNE ODREDBE

### Član 17.

Izmjene i dopune Poslovnika donose se istim postupkom po kojem je i donesen Poslovnik.

### Član 18.

Poslovnik stupa na snagu danom usvajanja na sjednici Vijeća doktorskog studija.

  
Predsjednik Vijeća doktorskog studija  
Prof. dr. Mustafa Hrasnica, dipl.ing. građ.

Broj: 02-2-1968/22  
Datum, 04.11.2022.



Patriotske lige 30, Tel. ++387 33 27 84 00; Fax. ++387 33 20 01 58 E-mail: gfsa@gf.unsa.ba <http://www.gf.unsa.ba>  
ID broj: 4200494560112 PDV broj: 200494560007

Broj: 02-2-1905-2/22  
Sarajevo, 01.11.2022. god.

Na osnovu odredbi Zakona o visokom obrazovanju („Službene novine Kantona Sarajevo“, broj: 36/22), Statuta Univerziteta u Sarajevu i člana 8. stav (11) Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine, Vijeće dokorskog studija Univerziteta u Sarajevu – Građevinski fakultet na LV redovnoj sjednici održanoj 01.11.2022 godine donijelo je

## ODLUKU

### I

Usvaja se Poslovnik o radu Vijeća trećeg ciklusa studija Univerziteta u Sarajevu – Građevinski fakultet.

### II

Odluka stupa na snagu danom donošenja.



Predsjednik Vijeća

Prof. dr. Mustafa Hrasnica, dipl.ing.grad.

*Sekretar Univerziteta u Sarajevu – Građevinski fakultet potvrđuje da je Odluka u skladu sa zakonskim i podzakonskim propisima koji su na snazi, te da je Vijeće dokorskog studija Univerziteta u Sarajevu – Građevinski fakultet nadležno za donošenje iste, shodno odredbama Zakona o visokom obrazovanju („Sl. novine Kantona Sarajevo“, broj 36/22), Statuta Univerziteta u Sarajevu i člana 8. stav (11) Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine.*

Sabina Bajrić, dipl. prav.

Dostaviti:

1. Odsjeci i katedre
2. Odbor za osiguranje kvaliteta
3. Studentska služba Univerziteta u Sarajevu – Građevinski fakultet
4. Sekretar Vijeća dokorskog studija
5. Arhiva





Patriotske lige 30, Tel.++387 33 27 84 00; Fax.++387 33 20 01 58 E-mail: gfsa@gf.unsa.ba <http://www.gf.unsa.ba>  
ID broj: 4200494560112 PDV broj: 200494560007

Broj: 02-2-1917-1/22

Sarajevo, 01.11.2022. god.

Na osnovu odredbi Zakona o visokom obrazovanju („Službene novine Kantona Sarajevo“, broj: 36/22), Statuta Univerziteta u Sarajevu i člana 8. Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine, Vijeće doktorskog studija Univerziteta u Sarajevu – Građevinski fakultet na LV redovnoj sjednici održanoj 01.11.2022 godine donijelo je

## ODLUKU

### I

Usvaja se Izvještaj Komisije za izradu prijedloga izmjena i dopuna Nastavnog plana i programa III ciklus studija na Univerzitetu u Sarajevu - Građevinski fakultet iz oblasti građevinarstva i i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine br. 02-2-1917/22 od 28.10.2022. godine.

### II

Utvrđuje se Prijedlog izmjena i dopuna Nastavnog plana i programa III ciklus studija na Univerzitetu u Sarajevu–Građevinski fakultet iz oblasti građevinarstva i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine.

### III

Prijedlog izmjena i dopuna Nastavnog plana i programa III ciklus studija na Univerzitetu u Sarajevu - Građevinski fakultet iz oblasti građevinarstva i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine dostaviti Vijeću Univerziteta u Sarajevu – Građevinski fakultet na daljnji postupak.



Predsjednik Vijeća

Prof. dr. Mustafa Hrasnica, dipl.ing.grad.

Sekretar Univerziteta u Sarajevu–Građevinski fakultet potvrđuje da je Odluka u skladu sa zakonskim i podzakonskim propisima koji su na snazi, te da je Vijeće doktorskog studija Univerziteta u Sarajevu–Građevinski fakultet nadležno za donošenje iste, shodno odredbama Zakona o visokom obrazovanju („Sl. novine Kantona Sarajevo“, broj 36/22), Statuta Univerziteta u Sarajevu i člana 8. Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine.

Sabina Bajrić, dipl. prav.

Dostaviti:

1. Vijeće Univerziteta u Sarajevu – Građevinski fakultet
2. Arhiva



Patriotske lige 30, Tel.++387 33 27 84 00; Fax.++387 33 20 01 58 E-mail: gfsa@gf.unsa.ba <http://www.gf.unsa.ba>  
ID broj: 4200494560112 PDV broj: 200494560007

Broj: 02-2-1917-1/22

Sarajevo, 01.11.2022. god.

Na osnovu odredbi Zakona o visokom obrazovanju („Službene novine Kantona Sarajevo“, broj: 36/22), Statuta Univerziteta u Sarajevu i člana 8. Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine, Vijeće dokorskog studija Univerziteta u Sarajevu – Građevinski fakultet na LV redovnoj sjednici održanoj 01.11.2022 godine donijelo je

## O D L U K U

### I

Usvaja se Izvještaj Komisije za izradu prijedloga izmjena i dopuna Nastavnog plana i programa III ciklus studija na Univerzitetu u Sarajevu - Građevinski fakultet iz oblasti građevinarstva i i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine br. 02-2-1917/22 od 28.10.2022. godine.

### II

Utvrđuje se Prijedlog izmjena i dopuna Nastavnog plana i programa III ciklus studija na Univerzitetu u Sarajevu-Građevinski fakultet iz oblasti građevinarstva i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine.

### III

Prijedlog izmjena i dopuna Nastavnog plana i programa III ciklus studija na Univerzitetu u Sarajevu - Građevinski fakultet iz oblasti građevinarstva i oblasti geodezije i geoinformatike u skladu sa Pravilima studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12. 2018. godine dostaviti Vijeću Univerziteta u Sarajevu – Građevinski fakultet na daljnji postupak.



Predsjednik Vijeća

prof. dr. Mustafa Hrasnica, dipl.ing.građ.

Sekretar Univerziteta u Sarajevu–Građevinski fakultet potvrđuje da je Odluka u skladu sa zakonskim i podzakonskim propisima koji su na snazi, te da je Vijeće dokorskog studija Univerziteta u Sarajevu-Građevinski fakultet nadležno za donošenje iste, shodno odredbama Zakona o visokom obrazovanju („Sl. novine Kantona Sarajevo“, broj 36/22), Statuta Univerziteta u Sarajevu i člana 8. Pravila studiranja za treći ciklus studija na Univerzitetu u Sarajevu – doktorski studij – br. 01-1101-79-1/18 od 19.12.2018. godine.

Sabina Bajrić, dipl. prav.

Dostaviti:

1. Vijeće Univerziteta u Sarajevu – Građevinski fakultet
2. Arhiva